

Lugo, 26 de agosto de 2013.- O ALCALDE, P.D. TENENTA-ALCALDE DA AREA (Decreto nº 13004761), Sonia Mendez Garcia

R. 3436

Anuncio

A Xunta de Goberno Local en sesión celebrada o 14 de agosto de 2013, aprobou a forma de adxudicación mediante procedemento aberto para a **CONTRATACIÓN DA REALIZACIÓN DE ESTUDIOS E PROPOSTAS TÉCNICAS SOBRE A PRAZA DE ABASTOS, A REDACCIÓN DUN PROXECTO DE OBRA, DIRECCIÓN DE OBRA E COORDINACIÓN EN MATERIA DE SEGURIDADE E SAÚDE DURANTE A EXECUCIÓN DAS OBRAS DE REHABILITACIÓN DA PRAZA DE ABASTOS, CUN 80% DE COFINANCIAMENTO DA UNIÓN EUROPEA A TRAVÉS DO FONDO EUROPEO DE DESENVOLVEMENTO REXIONAL (PO FEDER Galicia 2007-2013). Proxecto 12UR4002 URBAN Praza de abastos e Proxecto 13UR7001 URBAN Auditoría e medidas de eficiencia enerxética.**

Por medio deste anuncio dáse a coñece-la licitación conforme as seguintes características:

1.- Entidade adxudicadora.

a) Organismo: Excmo. Concello de Lugo.

b) Dependencia que tramita o expediente: Servizo de Contratación, Patrimonio e Fomento.

2.- Obxecto do contrato.

a) Descrición do obxecto: O obxecto do contrato é a realización de:

- Unha auditoría enerxética (instalación eléctrica e consumo de auga) coa proposta de intervención no edificio da Praza para a súa adaptación.
- Un plan de residuos para a Praza de Abastos coa proposta de espazos a dotar no edificio para o correcto tratamento dos residuos.
- Unha proposta de aproveitamento comercial do edificio e distribución de usos realizada a partir das orientacións sinaladas neste prego.
- A redacción do proxecto básico e de execución da edificación en misión completa (con todos os proxectos específicos e o xeotécnico previo se se inclúen obras de comunicación do parking coa praza) das obras que se definan para a Praza de Abastos (nunha ou dúas fases), así como a dirección facultativa e de execución das obras ata a súa liquidación e a coordinación de seguridade e saúde durante a súa execución.
- Propostas de intervención valoradas para cada un dos postos da Praza para os investimentos que deban acometer pola súa conta, tales como as derivadas da auditoría enerxética acompañados de cálculos de recuperación dos investimentos ou outras propias dos seus locais.

b) Prazo de execución: A execución deste contrato realizarase en varias fases:

1.- PRIMEIRA FASE DO TRABALLO. Suxeita ós seguintes prazos parciais:

- prazo de execución da fase na que se realizarán e entregarán no Concello os estudos de auditoría enerxética, o plan de residuos e o desenvolvemento e valoración da proposta de intervención coas adaptacións que o Concello poida realizar sobre a proposta inicial será de DOUS MESES dende a formalización do contrato administrativo.
- prazo de consultas cos comerciantes da Praza de Abastos e a súa asociación para levar a cabo as adaptacións que fosen decididas polo Concello será de DOUS MESES dende a entrega no Rexistro do Concello da documentación sinalada no parágrafo anterior.
- Unha vez rematado o prazo anterior, darase á entidade adxudicataria as instrucións definitivas sobre os aspectos que conterán o/os proxectos e, no seu caso, as cuestións valoradas que non se incluírán na intervención a realizar polo Concello, para que no prazo de QUINCE DÍAS HÁBILES, se entregue a documentación definitiva do/s proxectos.

2.- SEGUNDA FASE. DIRECCIÓN TÉCNICA DA OBRA E COORDINACION EN MATERIA DE SEGURIDADE E SAÚDE DURANTE A EXECUCIÓN DAS OBRAS

- O prazo para a realización dos traballos de dirección técnica da obra e a coordinación en materia de seguridade e saúde durante a execución da mesma será o que resulte do proxecto ou proxectos finalmente aprobados polo Concello e do prazo ofertado, se é o caso, para a execución das obras.

3.- Tramitación, procedemento e forma de adxudicación.

a) Tramitación: ordinaria

b) Procedimento: aberto

4.- Tipo de licitación

a) Orzamento máximo do Contrato:

O valor estimado do contrato - prezo de licitación - ascende a 80.000 euros polo que sumado o IVE de 21% (16.800 euros) resulta un presuposto total de 96.800 euros IVE incluído desglosado como segue:
- Proxecto 13UR7001 URBAN. Auditoría e medidas de eficiencia enerxética: 5.000 euros máis o IVE (1.050 euros) resultando un total de 6.050 euros. Aplicación presupostaria 24400.22799
- Proxecto 12UR4002 URBAN Praza de Abastos: 75.000 euros máis o IVE (15.750 EUROS) resultando un total de 90.750 euros. Aplicación presupostaria 24400.63900.

5.- Garantías: definitiva 5% do importe de adxudicación, excluído o IVE.

6. Obtención de documentación e información.

a) Entidade: Concello de Lugo, Servizo de Contratación e Patrimonio.

b) Domicilio: Ronda da Muralla, 197.

c) Localidade e c.p.: Lugo, 27002

d) Teléfonos: (982) 29-73-01, 29-71-45.

e) Telefax: (982) 29-72-59.

f) Dirección internet: www.lugo.es (perfil do contratante)

g) Data límite de obtención de documentos e información: Ata o remate do prazo de presentación de proposicións.

7.- Requisitos específicos do contratista.

a) Outros requisitos: Os sinalados no prego de condicións

8.- Presentación de ofertas ou das solicitudes de participación.

a) Data límite de presentación: O prazo de presentación de proposicións será de **trinta días naturais** contados dende a publicación do anuncio de licitación no Boletín Oficial da Provincia de Lugo. No suposto que o último día de presentación das proposicións coincida en sábado ou festivo prorrogase ó seguinte día hábil.

b) Documentación que hai que presentar: A que figura na cláusula décima do prego de condicións.

c) Lugar de presentación:

1ª Entidade: Concello de Lugo, Oficina de Rexistro ou ben nos lugares establecidos no prego de condicións.

2ª Domicilio: Ronda da Muralla, 197

3ª Localidade e c.p.: Lugo, 27002

9.- Apertura das ofertas.

a) Entidade: Concello de Lugo

b) Domicilio: Ronda da Muralla, 197 (3ª Planta)

c) Localidade: Lugo

d) Data: ó segundo día natural ó remate do prazo de presentación de proposicións. Se dito día coincidise en sábado ou festivo a apertura realizarase ó seguinte día hábil. O devandito prazo ampliarase, no caso de ser necesario, ata o undécimo día, no suposto de recibirse regulamentariamente o aviso de presentación das proposicións por correo.

10.- Outras informacións: As que se recollen no prego de condicións.

11.- Gastos dos anuncios: 259,48 euros que serán por conta do adxudicatario.

Lugo, 22 de agosto de 2013.- O ALCALDE, P.D. TENENTA-ALCALDE DA AREA (Decreto nº 13004761), Sonia Mendez García

R. 3437

XOVE

Anuncio

Por Decreto de Alcaldía de data 22 de agosto, aprobouse inicialmente o Padrón da Taxa pola prestación dos servizos de subministración de auga, no que se inclúe o canon de auga, e recollida de lixo correspondente ó segundo bimestre de 2013.

Por medio do presente ponse no coñecemento dos contribuíntes obrigados ó pago, que dispoñen de un prazo de quince días, contados a partires da publicación do presente anuncio no Boletín Oficial da Provincia, ó obxecto de que poda ser examinado e presenta-las reclamacións que estimen pertinentes, entendéndose elevado a definitivo si, transcorrido o prazo de exposición pública, non se tivese formulado ningunha reclamación contra o mesmo.